

28164

hwy



### ԱԶԳԱԳՐԱԿԱՆ ՀՐԱՏԱՐԱԿԶԱԿԱՆ ԸՆԿԵՐՈՒԹԻՒՆ

1900 թ. 21 հոկտեմբերի մենք ստորագրեալներս կազմեցինք այս պայմանագիրը հիմնելու մի ընկերութիւն «ԱԶԳԱԳՐԱԿԱՆ-ՀՐԱՏԱՐԱԿԶԱԿԱՆ ԸՆԿԵՐՈՒԹԻՒՆ» անունով և հետեւեալ պայմաններով.

1. Ընկերութեան նպատակն է հրատարակել ինչպէս Երուանդ Լալայեանի մինչև այժմ հրատարակած «Ազգագրական Հանդէսը» և ուրիշ պարբերական հրատարակութիւններ, այնպէս և տպագրել գրքեր, գրքոյիներ, քարտէզներ և այլն առաւելապէս հայերէն լեզուով: (Առ. օր. 4 հ, 65 յօդ.):

ա. Ծանօթ. Եթէ որ Ազգագրական Հանդիսի խմբագիր-հրատարակիչ Երուանդ Լալայեանը չկամենայ շարունակել իւր հրատարակութիւնը այս ընկերութեան ներկայ պայմանագրի պայմանների սահմանում, նրան իրաւունք է տրւում վերցնելու Ընկերութիւնից այժմ նրան պատկանող Ազգագրական Հանդիսի հրատարակութիւնն ու խմբագրութիւնը և այս դէպքում Ընկերութեան գործունէութիւնը տարածւում է այս պայմանագրի առաջի յօդուածում յիշուած գործերի վրայ:

բ. Ծանօթ. Իւր նպատակներին հասնելու և իւր գործունէութիւնը ընդլայնելու համար Ընկերութիւնը կարող է պատշաճաւոր թոյլտուութեամբ բանալ գրավաճառանոցներ, տպարաններ, վիմագրատներ, կազմաւորաններ և այլն:

2. Ընկերութեան հիմնական գրամագլխիւր կազմում է այս պայմանագիրը ստորագրող ընկերութեան անդամների յիմնական բաժնեգներից:

ա. Ծանօթ. Բաժնեգիւր կարելի է մաս մաս վճարել այնպէս. Ընկերութեան անդամ ընդունուելուց յետոյ առաջին երեք ամսում վճարում են առնուազը տասական բաժնի, իսկ մնացած քսան բաժնի հետեւեալ ինն ամիսների ընթացքում. հակառակ դէպքում անդամ գրուողը մերժւում է, և նրա վճարած գրամը աւելացնւում է Ընկերութեան հիմնական գրամագլխին. մաս մաս վճարած գրամների համար անդորրագրեր են տրւում Ընկերութեան նախագահի կամ նրա օրինաւոր փոխանորդի ստորագրութեամբ:


բ. Ծանօթ. Չորս հօգի իմիասին կարող են մի բաժին վերցնել և այս դէպքում երեքը մինին հաւատարմութեւթ են տալիս և սա մասնակցում է ընդհանուր ժողովին մի ձայն ունենալու իրաւունքով:

3. Ընկերութեան իւրաքանչիւր բաժնետէրը Առ. Օրս. 85. յօդ. համաձայն պատասխանատու է միայն իւր վճարած բաժնեգնով:

4. Նոր անդամների ընդունելութիւնը կատարւում է Ընկերութեան անդամների ընդհանուր ժողովում գաղանի քուէարկութեամբ և ամէն մի անձ, որ գրաւոր կերպով ցանկութիւն է յայտնել Ընկերութեան անդամ դառնալու, ընդունուել է և վերցրել յիսուն բաժնիանոց բաժին, դառնում է Ընկերութեան համագոր անդամ, թէև չէ ստորագրել այս պայմանագիրը և պարտաւոր է ենթարկուել այս պայմանագրին:

Ծանօթ.— Ընդհանուր ժողովը կարող է լիազօրութիւն տալ նախագահին, ընդհանուր ժողովից ընտրուած մի առանձին մասնաժողովի հետ ընդունել անդամներ քուէարկութեամբ:

28164



5. Ընկերութեան բոլոր գործերի կառավարութիւնը և վերահսկողութիւնը յանձնուած է երուանդ Աղէքսանդրեան Լալայեանցին մինչև Ընկերութեան բոլոր անդամների առաջին ընդհանուր ժողովը, երբ կընտրուի Ընկերութեան նախագահ և նրա փոխանորդ:

6. Ընդհանուր ժողովի թոյլաութեամբ բաժինը կարելի է ուրիշ անձի յանձնել, փոխանցելի ստորագրութեամբ և Ընկերութեան կնքի գրոշմամբ: Բաժնետիրոջ մահուամբ բաժինն անցնում է նրա օրինաւոր ժառանգին:

7. Բաժինը կորցնողը պարտաւոր է գրաւոր կերպով յայտնել այդ մասին Ընկերութեան նախագահին, միանգամայն նշանակելով կորցրած բաժնի համարը: Նախագահը նրա հաշուով կըլայտարարէ այդ մասին և եթէ յայտարարուելու օրից երկու ամսուայ ընթացքում չի գտնուիլ կորցրած բաժինը, կըտրուի նորը, կորցրածի փոխարէն տրուած լինելու մակագրութեամբ:

8. Բաժնետէրը ժողովներում մի ձայն ունի իւր սեփական բաժնով և մինչև Ընկերութեան անդամի հաւատարմաթղթով: Հաւատարմաթուղթը չի կարելի տալ Ընկերութեան ոչ անդամին: Երկու և աւելի բաժինների տէրը երկու ձայն ունի իւր բաժիններով և մի հաւատարմաթղթով:

Ծանօթ. Իրենց բաժնեգները լիովին չըհատուցանողները չեն կարող ձայն ունենալ:

9. Ընկերութեան գործերի կառավարութիւնը բաժանուած է երկու մասի. նախ վարչական և երկրորդ՝ խմբագրական:

ա) Վարչականը վարում է նախագահը: Անդամների ընդհանուր ժողովը ընտրում է իւր միջից երեք տարով նախագահ, գանձապահ՝ գրամական գումարները և հաշիւները պահելու, և քարտուղար՝ գրութիւնները վարելու և պահելու, նաև սրանց փոխանորդներ:

բ) Խմբագրականը ընտրում է տպագրութեան յարմար գրական և զեղարուեստական երկերը և ուղղում է նրանց: Խմբագրական մասնաժողովը բաղկանում է Ազգագրական Հանդիսի խմբագիր, երուանդ Լալայեանցից ընդ միշտ և Ընկերութեան Թիֆլիսաբնակ վեց անդամներից, որոնց ընտրում է բաժնետէրերի ընդհանուր ժողովը գաղտնի քուէարկութեամբ երեք տարի ժամանակով:

Ծանօթ. Խմբագրական մասնաժողովի պատահամբ հեռացած անդամներին փոխարինելու համար բաժնետէրերի ընդհանուր ժողովում ընտրուած են երեք փոխանորդներ: Փոխանորդների ծառայութեան ժամանակամիջոցը համապատասխանում է խմբագրական մասնաժողովի հեռացած անդամների ծառայութեան մնացած ժամանակամիջոցին:

10) Ընդհանուր ժողովի համաձայնութեամբ ու հաճութեամբ նախագահին իրաւունք է տրուում Ընկերութեան անունից պայմաններ կապել, պայմանագրեր կազմել, ապահովելով դրանց տուգանքներ նշանակելով, Ընկերութեան կայքը կապալով տալ, վարկային հիմնարկութիւնների մէջ անդամակցիլ Ընկերութեան անունով, ընդունել մուրհակներ գեղջելու և զեղջել, փոխ առնել, մուրհակներ տալ, ստանալ չեկերով Ընկերութեան անունով վարկային հիմնարկութիւնների մէջ դրուած փողերը. նախագահին իրաւունք է տրուում առանց ընդհանուր ժողովի առանձին հաւանութեան կամ թոյլաութեան ստանալ Ընկերութեան հասանելի գումարներն ու դրամները, ինչպէս և փոստից գրամական, ծրարային, հասարակ և ապահովուած թղթակցութիւնները: Նախագահը իրաւունք ունի պաշտպանել Ընկերութեան շահերը կառավարութեան և դատարանի առաջ, յարաբերութեան մէջ մտնել Ընկերութեան գործերի վերաբերութեամբ կառավարչական և մասնաւոր հիմնարկութիւնների և բոլոր վարչութիւնների պաշտօնակատար անձերի հետ, ստանալ և ներկայացնել պատճէներ, վաւերաթղթեր, խնդիրներ և գանձատներ, ինչպէս և տալ ուր կամ ում իւր հայեցողութեամբ հարկաւոր է համա-

րում թղթեր, ինչպէս և Ընկերութեան գործերի վերաբերութեամբ տալ ուրիշ անձերի լիազօրութիւն: Ընդհանրապէս՝ նրան իրաւունք է տրուում կատարել այն բոլոր գործողութիւնները, որ այս Ընկերութեան նպատակը պահանջում է. իսկ Ընկերութեան առանձին գործողութիւնների համար նախագահը հաւատարմաթուղթ է տալիս մի կամ մի քանի ընկերների կամ կողմնակի անձանց. նրանից է նաև կախուած ծառայող անձանց վարձելը, վարձատրելը, տուգանքի ենթարկելն ու արձակելը: Նախագահը հետևում է, որ Ընկերութեան պայմանագիրը, ընդհանուր ժողովների որոշումները, և առհասարակ Ընկերութեան գործերը կանոնաւոր և ճիշտ կերպով կատարուին:

11) Գանձապահը, որ ընտրուում է նախագահին օգնելու, պահում է Ընկերութեան գրամական գումարները և հաշիւները: Նա ընդունում է բոլոր գրամական վճարները և ծախսում է նախագահի առաջարկով և օրդերով: Նա է կազմում տարեկան մանրամասն տեղեկագիր գանձարանի և հաշիւների գրութեան մասին:

Ծանօթ. Ընկերութեան գանձապահը Ընկերութեան գումարներն ու մուտքերն ընթացիկ հաշուով գնում է տեղական բանկերից մինում: Այս գումարները ծախսելու համար յետ վերցնելիս հարկաւոր է նախագահի և գանձապահի ստորագրութիւնը:

12) Ընկերութեան քարտուղարը կազմում է ընդհանուր ժողովների նիստերի, մասնաժողովների արձանագրութիւնների և առհասարակ դիւանական գրութիւնները:

13) Հաշիւներն ու գրքերը վերաստուգելու համար ընդհանուր ժողովում ընտրուում է երեք տարով Վերաստուգող Մասնաժողով, երեք անդամներից բաղկացած:

14) Ընկերութեան ընդհանուր ժողովը հրաւիրում է տարեկան մի անգամ, մայիս ամսի վերջից ոչ ուշ: Նա կարող է նաև գումարուիլ արտակարգ կերպով 1) բաժնետէրերի ընդհանուր թուի  $\frac{1}{10}$ -ի, 2) Ընկերութեան և նախագահի և 3) Վերաստուգող Մասնաժողովի գրաւոր պահանջմամբ: Բաժնետէրերի և Վերաստուգող Մասնաժողովի այսպիսի պահանջը նախագահը կատարում է այդ մասին յայտնելուց մի ամսից ոչ ուշ: Ամեն մի ընդհանուր ժողովի, տեղի և ժամանակի, ինչպէս և պարագաման նիւթերի մասին նախագահը յայտնում է բոլոր բաժնետէրերին լրագրական յայտարարութիւններով և եթէ կարելի է՝ առանձին ծանուցագրերով ժողովից գոնէ մի շաբաթ առաջ:

15) Որպէս զի Ընկերութեան ընդհանուր ժողովը կայացած համարուի՝ հարկաւոր է, որ Թիֆլիսում ընկաւոր բոլոր անդամների  $\frac{1}{5}$  ներկայ գտնուի: Եթէ պահանջուած թողով անդամներ չեն լինում, ժողովը չի կայանում և նորն է նշանակուում եօթ օրից ոչ ուշ: Այս նոր ժողովը կայացած է և նրա որոշումները պարտաւորեցուցիչ են համարուում, որքան էլ որ անդամներ եկած չըլինէին:

16) Ընկերութեան ընդհանուր ժողովում բոլոր հարցերը վճուում են բոլոր ներկայ եղողների ձայների առաւելութեամբ, բացի այս պայմանագրի տանկիւններորդ կէտից, որ վերաբերում է պահեստի գումարը ծախսելուն, որը փոփոխելու համար պահանջում է ներկայ եղողների  $\frac{2}{3}$  համաձայնութիւնը:

17) Ընկերութեան անդամների ընդհանուր ժողովն ամէն անգամ ընտրում է իւր համար նախագահ, իսկ մինչև այդ՝ նախագահում է Ընկերութեան նախագահը: Ընդհանուր ժողովների որոշումներն արձանագրուում են և պահում նախագահի մօտ: Այս արձանագրութիւնները պարտաւորեցուցիչ են բոլոր բաժնետէրերի համար:

18) Տարեկան ընդհանուր ժողովը քննում և հաստատում է անցած տարուայ տեղեկագիրը և եթէ անկանոնութիւններ կամ թիւրիմացութիւններ նկատի, միջոցներ է ձեռք առնում Ընկերութեան շահերը պաշտպանելու: Նա քննում և հաստատում է ընթացիկ տարուայ համար նախահաշիւ, որ ներկայացնում է ընկերութեան նախագահը, իսկ մինչև այդ նախահաշիւ հաստատութիւնը՝ նախագահը առաջնորդում է նախորդ տարուայ նախահաշուով: Ընդհանուր ժողովը ընտրում է ընկերութեան նախագահ, գանձապահ, քարտուղար, խմբագրական և վերաստուգող մասնաժողովների անդամներ

և սրանց փոխանորդներ, ինչպէս և քննում է միւս, նախապէս յայտարարուած հերթա-  
կան գործերը:

19) Ընկերութեան բոլոր գործողութիւններից ստացած օգուտի 20% աւելացում  
է պահեստի գումարին, որ կարող է գործածուել ամենաձայրայեղ ղէպքերում և ընդհա-  
նուր ժողովի որոշմամբ, 10% աւելացում է հիմնական գումարին, իսկ 70% բա-  
ժանում է բաժնետէրերի մէջ նրանց բաժինների համեմատ:

20) Ընկերութեան գործերի վերջնական ընդհատման միջոցին, բոլոր կայքը  
ծախում է և ստացուած գրամբ բաժանում բաժնետէրերի մէջ նրանց վճարների  
համեմատ: Այս հարցը կարող է որոշուել միայն բաժնետէրերի  $\frac{2}{3}$ -մասից կազմուած  
ընդհանուր ժողովում և  $\frac{2}{3}$  ձայների առաւելութեամբ:

Ծանօթ. Ընկերութեան անդամները մինչև Ընկերութեան գործերի վերջնական  
ընդհատումը իրաւունք չունին ո՛չ մի ղէպքում պահանջել՝ որ իրենց բաժնեգները  
վերագարձուեն:

21) Ընկերութեան բաժնեգինը լիովին վճարած անդամների  $\frac{1}{5}$ -ից կազմուած  
ընդհանուր ժողովը իրաւունք ունի հարկաւոր ղէպքում փոփոխել և լրացնել այս  
պայմանագիրը, բացի §§ 1 (ծանօթութեամբ) 4, 6, 19 և 20 ծանօթութիւններով\*):



\*) Այս պայմանագրի բնագիրը հաստատուած է Թիֆլիսի 'Կոտայր' պ. Լևան Մղիբրովի մօտ 1900  
թուի հոկտեմբերի 21-ին 10614 համարով:

ՄՄ Հայագիտական գրադարան



MAL025080

